

ლანჩუთის მუნიციპალიტეტის საკრებულოს
საფინანსო-საბიუჯეტო კომისიის სხდომის

ოქმი №8

ქ. ლანჩუთი

23. 12.2020 წელი

12:00 საათი

სხდომას ესწრებოდნენ: საფინანსო-საბიუჯეტო კომისიის თავმჯდომარე ალექსანდრე მახათაძე, კომისიის წევრები: გიორგი ჩახვაძე, აკაკი იმნაიშვილი, ამირან გიგინეიშვილი, ციციშვილი ჩხაიძე, ზურაბ კუკულაშვილი.

მოწვეული პირები: მუნიციპალიტეტის მერი ალექსანდრე სარიშვილი, მერიის საფინანსო-საბიუჯეტო სამსახურის უფროსი როლანდ ლაშხია, მერიის სოციალური და ჯანდაცვის სამსახურის უფროსი თამარ ფირცხალაიშვილი.

სხდომის თავმჯდომარემ, **ალექსანდრე მახათაძემ** აღნიშნა, რომ დღის წესრიგის პროექტის მიხედვით გათვალისწინებული მეორე საკითხი - „ლანჩუთის მუნიციპალიტეტის 2021 წლის პრიორიტეტების დოკუმენტის დამტკიცების შესახებ“ განიხილონ პირველ საკითხად. ამის შემდეგ, სხდომას გააგნო დღის წესრიგის პროექტი:

1. „ლანჩუთის მუნიციპალიტეტის 2021 წლის პრიორიტეტების დოკუმენტის დამტკიცების შესახებ“ ლანჩუთის მუნიციპალიტეტის საკრებულოს განკარგულების პროექტის განხილვის თაობაზე.

/მომხსენებელი: ალექსანდრე მახათაძე/

2. „ლანჩუთის მუნიციპალიტეტის 2021 წლის ბიუჯეტის დამტკიცების შესახებ“ ლანჩუთის მუნიციპალიტეტის საკრებულოს დადგენილების პროექტის განხილვის თაობაზე.

/მომხსენებელი: ალექსანდრე მახათაძე/

3. სხვადასხვა.

სხდომის თავმჯდომარემ, **ალექსანდრე მახათაძემ** კენჭი უყარა დღის წესრიგის პროექტს.

მომხრე კომისიის 5 წევრი, წინააღმდეგი არცერთი.

დღის წესრიგის პირველი საკითხი: „ლანჩუთის მუნიციპალიტეტის 2021 წლის პრიორიტეტების დოკუმენტის დამტკიცების შესახებ“ ლანჩუთის მუნიციპალიტეტის საკრებულოს განკარგულების პროექტი სხდომას გააცნო საკრებულოს საფინანსო-საბიუჯეტო კომისიის თავმჯდომარემ, **ალექსანდრე მახათაძემ**. მან აღნიშნა, რომ სხდომას ესწრება მერიის საფინანსო-საბიუჯეტო სამსახურის უფროსი ბატონი როლანდ ლაშხია, რომელიც მოკლედ მიმოიხილავს ლანჩუთის მუნიციპალიტეტის პრიორიტეტების დოკუმენტს. მერიის საფინანსო-საბიუჯეტო სამსახურის უფროსმა, **როლანდ ლაშხიამ** აღნიშნა, რომ ბოლო წლებში არსებული სტრატეგიის შესაბამისად პრიორიტეტულ მიმართულებებზე მიმართული სახსრების ზრდამ შესაძლებელი გახადა ადგილობრივი ინფრასტრუქტურის განვითარება, რითაც თავის მხრივ, უზრუნველყოფილი იქნება მუნიციპალიტეტში მცხოვრები მოსახლეობის სოციალური მდგომარეობის გაუმჯობესება, მუნიციპალიტეტში ახალი სამუშაო ადგილების შექმნა, კულტურისა და სპორტის სფეროების განვითარება. ზემო აღნიშნულის გათვალისწინებით 2021-2024 წწ-ში მუნიციპალიტეტის სტრატეგია თითქმის უცვლელია და მოიცავს ადგილობრივი ინფრასტრუქტურის განვითარებას, მოსახლეობის სოციალური პირობების გაუმჯობესებას, საზოგადოებრივი უსაფრთხოების უზრუნველყოფას, ჯანსაღი ცხოვრების წესის დანერგვას და სკოლამდელი განათლების ხელშეწყობას. ლანჩუთის მუნიციპალიტეტის ძირითადი პრიორიტეტებია:

- 1. ინფრასტრუქტურის განვითარება; □
2. დასუფთავება და გარემოს დაცვა; □
3. განათლება; □
4. კულტურა, ახალგაზრდობა და სპორტი; □
5. მოსახლეობის ჯანმრთელობის დაცვა და სოციალური უზრუნველყოფა;
- 6. მმართველობა და საერთო დანიშნულების ხარჯები.

მუნიციპალური ინფრასტრუქტურის განვითარებას, რომელიც აუცილებელ პირობას წარმოადგენს მუნიციპალიტეტის ეკონომიკური განვითარებისათვის და აღნიშნული მიმართულება ბიუჯეტის ერთ-ერთ მთავარ პრიორიტეტს წარმოადგენს. პრიორიტეტის ფარგლებში გაგრძელდება საგზაო ინფრასტრუქტურის მშენებლობა რეაბილიტაცია, წყლის სისტემების, გარე განათების ქსელის განვითარება და მუნიციპალიტეტში სხვა აუცილებელი კეთილმოწყობის ღონისძიებების დაფინანსება. პრიორიტეტის ფარგლებში განხორციელდება როგორც ახალი ინფრასტრუქტურის მშენებლობა, ასევე, არსებული ინფრასტრუქტურის მოვლა-შენახვა და დაფინანსდება მის ექსპლოატაციასთან დაკავშირებული ხარჯები.

დასუფთავებას და გარემოს დაცვას, რომლის ფარგლებშიც განხორციელდება გარემოს დასუფთავება და ნარჩენების გატანა, მწვანე ნარგავების მოვლა-პატრონობა, განვითარება, კაპიტალური დაბანდებები დასუფთავების სფეროში, უპატრონო ცხოველების მოვლითი ღონისძიებები და მდინარეზე ნაგვის დამჭერის მოწყობა. დაფინანსდება აღნიშნულთან დაკავშირებული ხარჯები, უზრუნველყოფილი იქნება მუნიციპალიტეტის დასუფთავება, ნარჩენების გატანა, მწვანე ნარგავების მოვლა-პატრონობა, უპატრონო ცხოველების მოვლითი ღონისძიებები. შესაბამისად ქვეპროგრამის ფარგლებში გათვალისწინებულია ქალაქის სანიტარული წესრიგის შენარჩუნება და გაუმჯობესება; ნარჩენების სრული იზოლირება მოსახლეობისა და გარემოსაგან; მუნიციპალიტეტის ყოველდღიური დაგვა-დასუფთავება და ნარჩენების გატანა; ქალაქის ტერიტორიის კეთილმოწყობითი და გამწვანებითი სამუშაოები. ერთწლიანი და მრავალწლიანი ნარგავების დარგვა, სკვერებში ბალახის გათიბვა ქალაქისა და მუნიციპალიტეტის ტერიტორიაზე; მუნიციპალიტეტის ტერიტორიაზე არსებული მაწანწალა ძაღლების თავშესაფარში გადაყვანა.

კულტურის, ახალგაზრდობის და სპორტის პროგრამებს, რომელთა მიზანია მუნიციპალიტეტის ინფრასტრუქტურული და ეკონომიკური განვითარების პარალელურად ხელი შეეწყოს კულტურული ტრადიციების დაცვას და ამ ტრადიციების ღირსეულ გაგრძელებას. ამასთანავე ერთ-ერთი პრიორიტეტია ახალგაზრდების მრავალმხრივი (როგორც სულიერი, ისე ფიზიკური თვალსაზრისით) განვითარების ხელშეწყობა და მათში ცხოვრების ჯანსაღი წესის დამკვიდრება. შესაბამისად,

მუნიციპალიტეტი განაგრძობს კულტურული ღონისძიებების ფინანსურ მხარდაჭერას, წარმატებული სპორტსმენების ხელშეწყობას და შესაბამისი პირობების შექმნას რათა ნიჭიერმა ბავშვებმა და ახალგაზრდებმა შეძლონ მათი სპორტული შესაძლებლობების გამოვლინება, ასევე ახალგაზრდებში ცხოვრების ჯანსაღი წესის წახალისების მიზნით გასატარებელი ღონისძიებების ჩატარება.

მოსახლეობის სოციალური პირობების გაუმჯობესებას, საზოგადოებრივი უსაფრთხოების უზრუნველყოფას, ჯანსაღი ცხოვრების წესის დანერგვას და სკოლამდელი განათლების ხელშეწყობას. ლანჩხუთის მუნიციპალიტეტის ძირითადი პრიორიტეტებია: – ინფრასტრუქტურის განვითარება; – განათლება; – კულტურა, ახალგაზრდობა და სპორტი; – მოსახლეობის ჯანმრთელობის დაცვა და სოციალური უზრუნველყოფა. – მმართველობა და საერთო დანიშნულების ხარჯები.

სკოლამდელი განათლების ხელშეწყობას, რომლის მიხედვითაც მომავალი თაობების აღზრდის მიმართულებით დაწყებითი და ზოგადი განათლების გარდა მნიშვნელოვანი როლი ენიჭება ასევე სკოლამდელ განათლებას, რაც თვითმმართველი ერთეულის საკუთარ უფლებამოსილებებს განეკუთვნება და შესაბამისად მუნიციპალიტეტის ერთ-ერთ პრიორიტეტს წარმოადგენს, რომლის ფარგლებში მომდევნო წლებში განხორციელდება საბავშვო ბაღების ფუნქციონირებისათვის საჭირო ხარჯების დაფინანსება, ინვენტარით უზრუნველყოფა.

მოსახლეობის ჯანმრთელობის დაცვის ხელშეწყობა და მათი სოციალური დაცვა მუნიციპალიტეტის ერთ-ერთ მთავარ პრიორიტეტს წარმოადგენს. მუნიციპალიტეტი არსებული რესურსების ფარგლებში განაგრძობს სოციალურად დაუცველი მოსახლეობის სხვადასხვა დახმარებებით და შეღავათების უზრუნველყოფას. სახელმწიფო ბიუჯეტიდან გამოყოფილი მიზნობრივი ტრანსფერის ფარგლებში განაგრძობს საზოგადოებრივი ჯანმრთელობის დაცვის მიზნით სხვადასხვა ღონისძიებების განხორციელებას, რაც უზრუნველყოფს მუნიციპალიტეტის მოსახლეობის ჯანმრთელობის დაცვას სხვადასხვა გადამდები და ინფექციური დაავადებისაგან.

სოციალური დაცვის პროგრამას, რომელიც ითვალისწინებს მუნიციპალიტეტის ტერიტორიაზე მცხოვრები მოსახლეობის სხვადასხვა ფენებისათვის გარკვეული შეღავათებითა და სოციალური დახმარებების უზრუნველყოფას. მზრუნველობამოკლებულთათვის უფასო კვებითა და ფართით უზრუნველყოფას, დემოგრაფიული მდგომარეობის გაუმჯობესების მიზნით მრავალშვილიანი ოჯახების დახმარებას, სხვა სოციალური პროგრამებს, რომლებიც უზრუნველყოფს მუნიციპალიტეტის მოსახლეობის სოციალური მდგომარეობის გაუმჯობესებას.

მუნიციპალიტეტის წარმომადგენლობითი და აღმასრულებელი ორგანოების დაფინანსების პრიორიტეტი, რომლითაც ფინანსდება ისეთი ხარჯები, როგორებიცაა სარეზრვო ფონდი, მუნიციპალიტეტის ვალდებულებების (სესხები, სასამართლო გადაწყვეტილებები) მომსახურება. პრიორიტეტი ასევე ითვალისწინებს ა(ა)იპ - ეკონომიკური განვითარების და ინოვაციის ცენტრის დაფინანსებას.

საკრებულოს წევრის, **გიორგი ჩახვაძის** აზრით, კარგი იქნება ერთ-ერთ პრიორიტეტად ჩაესვათ ტურიზმის განვითარება, რადგან ამ კუთხით მუნიციპალიტეტის მერიის მიერ მომზადდა არაერთი პროექტი.

საკრებულოს წევრის **ამირან გიგინეიშვილის** თქმით, თუ არ იქნა დასრულებული რომელიმე პროექტი, ახალი შესაბამისად, ვერ დაიწყება. მაგალითად, მუნიციპალიტეტის მერიასთან თანამშრომლობით მოგებულია პროექტი „გურიის რეგიონის ჩაის გადამამუშავების საბოლოო სახის მიცემა“, მაგრამ ვერ იწყება მისი განხორციელება, რადგან არ არის დასრულებული ერთ-ერთი პროექტი.

მერიის საფინანსო-საბიუჯეტო სამსახურის უფროსმა აღნიშნა, რომ ტურიზმის განვითარებას პრიორიტეტად მუნიციპალიტეტი ვერ დააფიქსირებს, მაგრამ შეიძლება განისაზღვროს ერთ-ერთი პროგრამა ტურიზმის განვითარების ხელშეწყობის მიზნით.

საფინანსო-საბიუჯეტო კომისიის თავმჯდომარე **ალექსანდრე მახათაძე** დაეთანხმა საკრებულოს წევრს, გიორგი ჩახვაძეს, მაგრამ იქვე შენიშნა, რომ ტურიზმის განვითარება პირველ რიგში დამოკიდებულია ინფრასტრუქტურის განვითარებაზე და როგორც მერიის საფინანსო-საბიუჯეტო სამსახურის უფროსმა აღნიშნა, ინფრასტრუქტურასთან დაკავშირებით წინასწარ არ არის ცნობილი გარკვეული მონაცემები. ამის გათვალისწინებით, ჯერ-ჯერობით ეკონომიკური სიტუაციიდან გამომდინარე ვერ ხერხდება რეალური პროგნოზირების გაკეთება. საფინანსო-საბიუჯეტო კომისიის თავმჯდომარის აზრით, შესაძლებელია ტურიზმის განვითარების ხელშეწყობა ჩაიწეროს პრიორიტეტად, მით უმეტეს, რომ მუნიციპალიტეტში ფუნქციონირებს შესაბამისი ა(ა)იპ. მაშინ პროგრამის განსაზღვრაც მოხდება და თანხის მოძიებაც, მაგრამ არ არის წინასწარ ცნობილი, თუ რა თანხა ექნება მუნიციპალიტეტს ბიუჯეტში ინფრასტრუქტურული კუთხით. აქედან გამომდინარე, ვერ განსაზღვრავენ ტურისტული ინფრასტრუქტურის განვითარებაზე დახარჯავენ თუ არა გარკვეული რაოდენობის თანხას.

საკრებულოს წევრის **ამირან გიგინეიშვილის** თქმით, თუ რაიმე კონკრეტულ საქმიანობას ასრულებს სახელმწიფო, იმავე პროექტს ვერ განახორციელებს მუნიციპალიტეტი, რადგან ეს არის ორმაგი ხარჯვა, რაც აკრძალულია კანონმდებლობით. ამიტომ ამ კუთხით უნდა გამოინახოს ისეთი მიმართულებები და პროგრამები, რომელთა გახორციელება არ ხდება სახელმწიფო დონეზე.

წარმოდგენილ განკარგულების პროექტთან დაკავშირებით საკრებულოს საფინანსო-საბიუჯეტო კომისიის წევრების მიერ სხვა შენიშვნები არ გამოთქმულა.

საკრებულოს საფინანსო-საბიუჯეტო კომისიამ დაადგინა, რომ წარმოდგენილი დოკუმენტი საკრებულოს სხდომაზე განხილული იქნას დადებითი დასკვნით:

მომხრე კომისიის 5 წევრი, წინააღმდეგი არცერთი.

დღის წესრიგის მეორე საკითხი: „ლანჩხუთის მუნიციპალიტეტის 2021 წლის ბიუჯეტის დამტკიცების შესახებ“ ლანჩხუთის მუნიციპალიტეტის საკრებულოს დადგენილების პროექტი სხდომას გააცნო საკრებულოს საფინანსო-საბიუჯეტო კომისიის თავმჯდომარემ, **ალექსანდრე მახათაძემ**. ამის შემდეგ მან თხოვნით მიმართა მერიის საფინანსო-საბიუჯეტო სამსახურის უფროსს, **როლანდ ლაშხიას**, დეტალურად ესაუბრა წარმოდგენილ პროექტთან დაკავშირებით. მერიის საფინანსო-საბიუჯეტო სამსახურის უფროსმა განმარტა, რომ ბიუჯეტის შემოსავლები განისაზღვრება 11,013.3 ათასი ლარით, მათ შორის გადასახადები განისაზღვრება 9,020.3 ათასი ლარით, გრანტები განისაზღვრა 220.0 ათასი ლარით, სხვა შემოსავლები განისაზღვრება 1,773.0 ათასი ლარით, ხარჯები განისაზღვრება 11,415.8 ათასი ლარით, არაფინანსური აქტივების ცვლილება განისაზღვრება 1050,5 ათასი ლარით. მათ შორის, არაფინანსური აქტივების ზრდა - 1050,5 ათასი ლარით, ხოლო არაფინანსური აქტივების კლება - 97000 ათასი ლარით, ბიუჯეტის მთლიანი სალდო უნდა განისაზღვროს 1453,0 ათასი ლარით, ხოლო საოპერაციო სალდო 402,5 ათასი ლარით, ფინანსური

აქტივების ცვლილება განისაზღვრება 1511,1 ათასი ლარით, ხოლო ფინანსური აქტივების კლება 1511.1 ათასი ლარის ოდენობით წარმოადგენს მუნიციპალიტეტის სახაზინო ანგარიშზე არსებულ თავისუფალ ნაშთს, რომლის გამოყენებაც მოხდება 2021 წლის განმავლობაში. მან იქვე აღნიშნა, რომ ბიუჯეტის ვალდებულებების ცვლილება განისაზღვროს 58,1 ათასი ლარის ოდენობით. აღნიშნული წარმოადგენს მუნიციპალური განვითარების ფონდიდან 2017 წელს მიღებული სესხის ძირითადი თანხის დაფარვას. 2020 წლის 1 იანვრის მდგომარეობით ლანჩხუთის მუნიციპალიტეტის სასესხო ვალდებულებები ჯამში შეადგენს 439,5 ათას ლარს, ხოლო 2020 წლის 31 დეკემბრის მდგომარეობით იგი იქნება 381.4 ათასი ლარი.

მერიის საფინანსო-საბიუჯეტო სამსახურის უფროსმა **როლანდ ლაშხიამ** ასევე აღნიშნა, რომ ინფრასტრუქტურის განვითარების პრიორიტეტის დაფინანსებისათვის განისაზღვრება 1656,4 ათასი ლარი, დასუფთავება და გარემოს დაცვის პრიორიტეტის დაფინანსებისათვის განისაზღვრება 1,291.4 ათასი ლარი, კულტურა, ახალგაზრდობა და სპორტის პრიორიტეტის დაფინანსებისათვის განისაზღვრება 2,454.4 ათასი ლარი, ჯანმრთელობის დაცვა და სოციალური უზრუნველყოფის პრიორიტეტის დაფინანსებისათვის განისაზღვრება 826 ათასი ლარი, 2021 წლის განმავლობაში ლანჩხუთის მუნიციპალიტეტის ბიუჯეტის დაფინანსებაზე მყოფი დაწესებულებებისა და ორგანიზაციების მოსამსახურეებზე საქართველოს კანონმდებლობით განსაზღვრული ფულადი ჯილდო, დანამატი და სხვა ანაზღაურება გაიცემა მათთვის შესაბამისი ბიუჯეტებით დამტკიცებული ასიგნებების ფარგლებში, მუნიციპალიტეტის 2021 წლის ბიუჯეტით გათვალისწინებული პროგრამული კოდი 01 02 02-დან დაფინანსდება წინა წლების დავალიანებები, სასამართლოს გადაწყვეტილებით დაკისრებული თანხები, საქართველოს კანონმდებლობით დადგენილი წესით იძულებით ჩამოჭრილი თანხები და მუნიციპალიტეტის მიერ აღიარებული ვალდებულებები; წინა წლებში წარმოქმნილი ფაქტობრივი დავალიანებების დასაფარავად ბიუჯეტის დაფინანსებაზე მყოფმა საბიუჯეტო ორგანიზაციებმა და დაწესებულებებმა შესაძლებელია გამოიყენონ 2021 წელს მათთვის გამოყოფილი ასიგნებები იმ პირობით, რომ არ დაიშვება ახალი დავალიანების დაგროვება, რისთვისაც მთელი პასუხისმგებლობა ეკისრებათ აღნიშნულ ორგანიზაციებს; საქართველოს სახელმწიფო ბიუჯეტიდან გამოყოფილი მიზნობრივი ტრანსფერი 220 ათასი ლარი მიიმართება საქართველოს კანონმდებლობით განსაზღვრული დელეგირებული უფებამოსილების განსახორციელებლად; მუნიციპალიტეტის ბიუჯეტის სარეზერვო ფონდის მოცულობა განისაზღვრება 50,0 ათასი ლარის ოდენობით, სარეზერვო ფონდიდან თანხის გამოყოფა განხორციელდება მუნიციპალიტეტის მერის ინდივიდუალური ადმინისტრაციულ-სამართლებრივი აქტის საფუძველზე.

მერიის საფინანსო-საბიუჯეტო სამსახურის უფროსმა ასევე აღნიშნა, რომ საკრებულოს მიერ წარმოდგენილი ყველა შენიშვნა იქნა გათვალისწინებული. კერძოდ:

- ლანჩხუთის მუნიციპალიტეტის საკრებულოს სამუშაო ოთახების სარემონტო ხარჯები 30000 ლარის ფარგლებში, ასევე კომპიუტერული ტექნიკის შესაძენი თანხები-5000 ლარის ფარგლებში;
- ქალთა საფეხბურთო კლუბს გაეზარდოს ბიუჯეტი შესაძლებლობის ფარგლებში;
- ბიუჯეტში გათვალისწინებულ იქნას ერთი ერთეული გარე განათების კალათის შესაძენი თანხა;
- სოციალურ პროგრამებს დაემატოს 50 000 ლარი „კოვიდ 19“-ის წინააღმდეგ საბრძოლო ღონისძიებებისა და სხვადასხვა საჭიროებებიდან გამომდინარე;
- საგზაო ინფრასტრუქტურის მოვლა- პატრონობის ხარჯები გაიზარდოს 50 000 ლარით;
- გამარჯვებულ ქალთა კლუბისათვის 5000 ლარის დამატება;
- ა(ა)იპ სპორტული ცენტრისთვის ერთ-ერთი სავარჯიშო დარბაზის სარეაბილიტაციოდ 80000 ლარი.

მერიის სოციალური და ჯანდაცვის სამსახურის უფროსმა **თამარ ფირცხალაიშვილმა** აღნიშნა, რომ მუნიციპალიტეტი არსებული რესურსების ფარგლებში განაგრძობს სოციალურად დაუცველი მოსახლეობის სხვადასხვა დახმარებებით და შეღავათების უზრუნველყოფას. სახელმწიფო

ბიუჯეტიდან გამოყოფილი მიზნობრივი ტრანსფერის ფარგლებში განაგრძობს საზოგადოებრივი ჯანმრთელობის დაცვის მიზნით სხვადასხვა ღონისძიებების განხორციელებას. ასევე, სოციალური კუთხით, ითვალისწინებს მუნიციპალიტეტის ტერიტორიაზე მცხოვრები მოსახლეობის სხვადასხვა ფენებისათვის გარკვეული შეღავათებითა და სოციალური დახმარებების უზრუნველყოფას, მზრუნველობამოკლებულთათვის უფასო კვებითა და ფართით უზრუნველყოფას, დემოგრაფიული მდგომარეობის გაუმჯობესების მიზნით მრავალშვილიანი ოჯახების დახმარებას, სხვა სოციალური პროგრამებს, რომლებიც უზრუნველყოფს მუნიციპალიტეტის მოსახლეობის სოციალური მდგომარეობის გაუმჯობესებას. ეს პროგრამებია:

- ა) ბიკარბონატული ჰემოდიალიზით-თირკმლის ქრონიკული უკმარისობით დაავადებულთა სამედიცინო დაწესებულებაში ტრანსპორტირების პროგრამა;
- ბ) მრავალშვილიანი ოჯახების დახმარების პროგრამა;
- გ) სამკურნალო და საოპერაციო ხარჯებით დახმარების პროგრამა;
- დ) ცენტრ „იავენანას“ თანადაფინანსების პროგრამა;
- ე) მოსწავლეთა ტრანსპორტირების პროგრამა;
- ვ) მზრუნველობამოკლებულთა უფასო კვებით უზრუნველყოფის პროგრამა;
- ზ) იძულებით გადაადგილებულ პირთა დახმარების პროგრამა;
- თ) ომის მონაწილე ვეტერანებისა და მათი ოჯახების დახმარების პროგრამა;
- ი) მძიმე საცხოვრებელ პირობებში მყოფი ოჯახების დროებითი თავშესაფრით უზრუნველყოფის პროგრამა;
- კ) ლანჩხუთის რეგიონალური ორგანიზაციის „გამარჯვებულ ქალთა კლუბის“ სარეაბილიტაციო პროგრამა ძუძუს კიბოს დიაგნოზით ნაოპერაციები ქალებისათვის.
- ლ) ხანდაზმულ (100 და მეტი წლის ასაკის) პირთა დახმარების პროგრამა.
- მ) მძიმე საცხოვრებელ პირობებში, უბედური შემთხვევისა და სტიქიური მოვლენების შედეგად დაზარალებული ოჯახებისათვის ერთჯერადი დახმარების პროგრამა;
- ნ) უპატრონო მიცვალებულთა სარიტუალო მომსახურების პროგრამა.
- ო) ერთჯერადი სოციალური (ფულადი) დახმარების პროგრამა.
- პ) მედიკამენტების შეძენაზე დახმარების პროგრამა.
- ჟ) შშმ პირის სტატუსის მქონე ბენეფიციართა სარეაბილიტაციო კურსის დაფინანსების პროგრამა.
- რ) ბავშვთა ადრეული განვითარების ხელშეწყობისა და ბავშვთა რეაბილიტაცია/აბილიტაციის ქვეპროგრამით მოსაგებლე შშმ ბავშვების და მათი თანმხლები პირების ტრანსპორტირების დაფინანსების პროგრამა.
- ს) გენდერული თანასწორობის უზრუნველყოფისა და ოჯახში ძალადობის აღმოფხვრის ხელშეწყობა.
- ტ) სახელმწიფო ზრუნვის სისტემიდან გასული ახალგაზრდების დახმარების პროგრამა.
- უ) მინდობით აღზრდაში განთავსებულ ბავშვებს, რომელთა რეინტეგრაცია-ბიოლოგიურ ოჯახში დაბრუნება. განხორციელდება ერთჯერადი ფინანსური დახმარების პროგრამა.
- ფ) 0-დან 18 წლამდე დედ-მამით ობოლი ბავშვებს და შშმ ბავშვებს, რომელიც არის ობოლი, ერთჯერადი სოციალური (ფულადი) დახმარების პროგრამა.

მერიის სოციალური და ჯანდაცვის სამსახურის უფროსის **თამარ ფირცხალაიშვილის** განმარტებით, ბავშვთა დახმარების პროგრამას დაემატა ორი ახალი პროგრამა, ხოლო ქვეყანაში არსებული ეპიდემიოლოგიური ვითარებიდან გამომდინარე დაემატა კიდევ ორი ფულადი სოციალური დახმარებების პროგრამა. ესენია:

- ქ) ცელიაკიით დაავადებულთა (18 წლამდე ასაკის) კვებითი დანამატებით უზრუნველყოფის პროგრამა.
- ღ) აუტისტური სპექტრის მქონე ბავშვთა სარეაბილიტაციო კურსის დაფინანსების პროგრამა.
- ყ) კოვიდ 19-ით ინფიცირებულთა და მასთან კონტაქტში მყოფ პირთა ტრანსპორტირებით დახმარების პროგრამა - ლანჩხუთის მუნიციპალიტეტის ტერიტორიაზე კოვიდ 19-ით ინფიცირებული ბენეფიციარები რომლებსაც დაუდასტურდებათ კოვიდ 19-ი და საჭიროებენ გადაყვანას სამედიცინო

დაწესებულებაში, ასევე კვლევების ჩატარებას, ზემოაღნიშნული პროგრამის ფარგლებში განხორციელდება ინფიცირებულის სამედიცინო დაწესებულებაში ტრანსპორტირების, კვლევების ჩასატარებლად და გამოჯანმრთელებული ბენეფიციარის სახლში ტრანსპორტირების დაფინანსება. ხოლო კოვიდ 19-ით ინფიცირებულთან კონტაქტში მყოფი პირების შემთხვევაში განხორციელდება მათი სასტუმრომდე ტრანსპორტირების დაფინანსება. გადაწყვეტილება მიიღება შესაბამის ადმინისტრაციულ ერთეულში მერის წარმომადგენლისა და მაჟორიტარი დეპუტატის(საკრებულოს წევრის) შუამდგომლობის და ა(ა)იპ - ლანჩხუთის საზოგადოებრივი ჯანდაცვის ცენტრის მიერ მოწოდებული ინფორმაციის საფუძველზე.

შ) კოვიდ 19-ით გარდაცვლილ მიცვალებულთა სარიტუალო მომსახურების პროგრამა - ლანჩხუთის მუნიციპალიტეტში რეგისტრირებული კოვიდ 19-თ გარდაცვლილ მიცვალებულთა სარიტუალო მომსახურებაზე დახმარება გაიცემა ადმინისტრაციულ ერთეულში მერის წარმომადგენლისა და მაჟორიტარი დეპუტატის (საკრებულოს წევრის) შუამდგომლობის და სამედიცინო დაწესებულების მიერ გაცემული შესაბამისი დოკუმენტაციის წარმოდგენის ან ა(ა)იპ - ლანჩხუთის საზოგადოებრივი ჯანდაცვის ცენტრის მიერ მოწოდებული ინფორმაციის შემდგომ დასკვნის მომზადებისა და მიღება-ჩაბარების აქტის გაფორმების საფუძველზე. მუნიციპალიტეტის მიერ გაიცემა კოვიდ ინფიცირებულის დაკრძალვისთვის საჭირო აღჭურვილობა (პირბადე, ფარი, ქუდი, ბახილი, ერთჯერადი ხალათი, სადეზინფექციო ხსნარი, სპეც. ჩანთა და ხელთათმანი).

სხდომას შემოუერთდა საკრებულოს წევრი აკაკი იმნაიშვილი.

მერიის სოციალური და ჯანდაცვის სამსახურის უფროსმა ასევე აღნიშნა, რომ მათი სურვილია მუნიციპალიტეტის მასშტაბით ჩაატარონ საჭიროებების კვლევა, რასთან დაკავშირებითაც აქვთ მუნიციპალიტეტის მერის თანხმობა. ამასთან, ეს კვლევა არ იქნება მხოლოდ სოციალური კუთხით და მოიცავს სხვა მიმართულებებსაც. ყოველივე ეს დაეხმარებათ საჭიროებების სწორად შეფასებაში. პანდემიური მდგომარეობიდან გამომდინარე არ აქვთ საჭირო შემხებლობა მოქალაქეებთან და მოსახლეობასთან. აქედან გამომდინარე, გამოცხადდება ტენდერი, რომლის დასრულების შემდეგ ჩატარდება ასეთი კვლევები. შედეგების ანალიზის საფუძველზე მოხდება განხორციელებული პროგრამების გადახედვა, რათა მოხდეს მათი კორექტირება, ან საჭიროებიდან გამომდინარე დაემატოს გარკვეული პროგრამები. მერიის სოციალური და ჯანდაცვის სამსახურის უფროსის აზრით, მუნიციპალიტეტში განხორციელებული პროგრამები უფრო დასაბუთებული და კარგი გახდება.

საკრებულოს წევრის **ამირან გიგინეიშვილის** თქმით, ნებისმიერი პროგრამა წლის ბოლოს ფასდება, იმით, თუ როგორ შესრულდა. აქ კი გაზომვადი შედეგები არ ჩანს. გარდა ამისა, გენდერული თანასწორობის უზრუნველყოფისა და ოჯახში ძალადობის აღმოფხვრის ხელშეწყობის პროგრამასთან დაკავშირებით, საკრებულოს წევრს მიზანშეწონილად მიაჩნია, რომ იყოს დაკონკრეტებული, თუ რა შემთხვევაში მიეცემა ბენეფიციარს დახმარება, რადგან ფულადი დახმარების მიღების შემდეგ შეიძლება მოძალადემ მას ეს თანხა წაართვას. ამასთან დაკავშირებით საკრებულოს საფინანსო-საბიუჯეტო კომისიის თავმჯდომარემ განმარტა, რომ ბენეფიციარს უკვე მინიჭებული აქვს სტატუსი. შესაბამისად, უკვე სახელმწიფო ზრუნავს ამ პიროვნებაზე და მოძალადესთან აღარ აქვს შეხება.

მუნიციპალიტეტის მერმა **ალექსანდრე სარიშვილმა** განმარტა, რომ შიდა მონაცვლეობის ხარჯზე დაემატა რამდენიმე პროგრამა. ამასთან, შემცირდა სამკურნალო და საოპერაციო ხარჯებით დახმარების პროგრამა, მ ა გ რამ ეს შემცირება მოხდა პროექტის პირველ ვარიანტთან შედარებით და საჭიროებიდან გამომდინარე მოხდება ბიუჯეტში ცვლილება. ასევე, მძიმე საცხოვრებელ პირობებში, უბედური შემთხვევისა და სტიქიური მოვლენების შედეგად დაზარალებული ოჯახებისათვის ერთჯერადი დახმარების პროგრამაში ი ჰ ე რ ი ი ყ ო 800 ლარამდე, რითაც ფაქტიურად ვერაფერს ვერ აკეთებდა მოქალაქე. პროგრამის ფარგლებში შერჩეულ ბენეფიციარს დახმარება გაეწევა არაუმეტეს 3

000 ლარისა, მაგრამ მუნიციპალიტეტის მერს მიზანშეწონილად მიაჩნია, რომ ამ კუთხით დახმარება გაიზარდოს 4000 ლარამდე.

საკრებულოს წევრმა **გიორგი ჩახვამემ** ყურადღება გაამხავილა ახალ პროგრამასთან დაკავშირებით, რომელიც შეეხება კოვიდ 19--თ ინფიცირებული ადამიანების ტრანსპორტირებას. მას მიაჩნდა, რომ დაავადებული მოქალაქეების ტრანსპორტირებას ახდენდა სახელმწიფო. ამასთან დაკავშირებით, მუნიციპალიტეტის მერმა განმარტა, რომ ეს პროგრამა მიმდინარე წელს ხორციელდება სარეზერვო ფონდის ხარჯზე. შესაბამისად, გამოცხადდება ტენდერი.

საკრებულოს წევრი **აკაკი იმნაიშვილი** დაინტერესდა, გათვალისწინებულია თუ არა საახალწლოდ, შეჭირვებული და ასაკოვანი ადამიანებისთვის დახმარების გაწევა, რადგან მისთვის ამის შესახებ ცნობილი არ არის.

მუნიციპალიტეტის მერმა **ალექსანდრე სარიშვილმა** აღნიშნა, რომ წითელ ჯვართან ერთად მუნიციპალიტეტის მასშტაბით შერჩეულია 450 ბენეფიციარი. ესენი არიან მარტოხელა ადამიანები, რომელთა შესახებ ინფორმაცია მიაწოდათ მერის წარმომადგენლებმა.

მერიის სოციალური და ჯანდაცვის სამსახურის უფროსმა ასევე განმარტა, რომ ისინი დაუკავშირდნენ მერის წრმომადგენლებს და მათ მიერ სოციალურ სააგენტოსთან ერთად განხილვის შემდეგ მოხდა ინფორმაციის მიწოდება.

საკრებულოს წევრის **ამირან გიგინეიშვილის** თქმით, ბიუჯეტის პროექტში უნდა ჩაისვას ციფრები, რათა იგი გახდეს გაზომვადი. პროგრამა ნიშნავს იმას, რომ მას აქვს მიზანი, განხორციელების გზები და მოსალოდნელი შედეგი. წარმოდგენილ პროექტში არსად არ წერია რაოდენობრივი შედეგები. მან ასევე აღნიშნა, რომ შესაბამისმა სამსახურებმა უნდა გააკეთოს ინფორმირება-ინფორმაცია დადოს შესაბამის ვებ-გვერზე. გარდა ამისა, საკრებულოს წევრმა ყურადღება გაამხავილა საპროექტო დოკუმენტაციისა და საექსპორტო მომსახურების შესყიდვის ქვეპროგრამაზე და აღნიშნა, რომ ასეთი დაფინანსებით უფრო მომგებიანია გადამზადდეს მერიის შესაბამისი სამსახურის სპეციალისტები. საკრებულოს წევრს დაეთანხმა საფინანსო-საბიუჯეტო კომისიის თავმჯდომარე და აღნიშნა, რომ გამოცხადებული საპროექტო ტენდერებით შემოსული პროექტების უმრავლესობა არის ხარვეზით და ამაში მუნიციპალიტეტი იხდის ფულს. რატომ უნდა მოიწვიონ ექსპერტი, როცა ამ თანხით, შეიძლება გადამზადდეს მერიის ზედამხედველობის სამსახურის სპეციალისტები. ამასთან, საჭიროებიდან გამომდინარე, შეიძლება სამსახურმა თანამშრომელი დაიმატოს.

საკრებულოს წევრმა **ციცინო ჩხაიძემ** აღნიშნა, რომ ადრე მუნიციპალიტეტში ფუნქციონირებდა დამამზადებელი პუნქტები, სადაც ხდებოდა ციტრუსის დახარისხება და დასაწყობება. ჩამოდიან ადამიანები, რომლებსაც სურთ შეიძინონ დასაწყობებული და შეფუთული ციტრუსი, რასაც ვერ ახერხებენ. საკრებულოს წევრი დაინტერესდა, ვის უნდა მიმართონ ან რა უნდა გაკეთდეს, რათა

მოგვარდეს ეს საკითხი. ამასთან დაკავშირებით, საკრებულოს საფინანსო-საბიუჯეტო კომისიის თავმჯდომარემ განუმარტა, რომ მეწარმემ უნდა მიმართოს საქართველოს გარემოს დაცვისა და სოფლის მეურნეობის სამინისტროს, რომელსაც აქვს სხვადასხვა საგრანტო პროგრამა. მეწარმე გარკვეული თანადაფინანსებით გააკეთებს სასაწყობე მეურნეობას.

მუნიციპალიტეტის მერს ალექსანდრე სარიშვილს მიაჩნია, რომ მუნიციპალიტეტის ბიუჯეტი ამ ეტაპისთვის ნორმალურადაა შედგენილი და დაბალანსებული, მაგრამ არის გარკვეული ხარვეზებიც, რომელიც განოსასწორებელია.

საკრებულოს საფინანსო-საბიუჯეტო კომისიის თავმჯდომარემ, ალექსანდრე მახათაძემ რეკომენდაციის სახით აღნიშნა, რომ მუშაობის პროცესში ა(ა)იპ და შპს გაშიფრულად წარმოადგინონ ფინანსური (შემოსულობების და ხარჯების) ანგარიშები, ასევე, სასურველია საკრებულოს მიმდინარე სხდომაზე წარმოდგენილი იქნას თავისუფალი ნაშთის და ბიუჯეტის მოკლე მიმოხილვა.

„ღანწხუთის მუნიციპალიტეტის 2021 წლის ბიუჯეტის დამტკიცების შესახებ“ ღანწხუთის მუნიციპალიტეტის საკრებულოს დადგენილების პროექტი გამოთქმული შენიშვნებით და რეკომენდაციებით მოწონებული იქნა.

საკრებულოს საფინანსო-საბიუჯეტო კომისიამ დაადგინა, რომ წარმოდგენილი დოკუმენტი საკრებულოს სხდომაზე განხილული იქნას დადებითი დასკვნით:

მომხრე კომისიის 6 წევრი, წინააღმდეგი არცერთი.

ამით კომისიამ მუშაობა დაასრულა.

საკრებულოს საფინანსო-საბიუჯეტო
კომისიის თავმჯდომარე

ალექსანდრე მახათაძე

ლანჩხუთის მუნიციპალიტეტის საკრებულოს

საფინანსო-საბიუჯეტო კომისიის

დასკვნა №8

2020 წლის 23 დეკემბერს ჩატარებულ იქნა ლანჩხუთის მუნიციპალიტეტის საკრებულოს საფინანსო-საბიუჯეტო კომისიის სხდომა.

სხდომამ განიხილა დღის წესრიგით გათვალისწინებული საკითხები და მიიღო გადაწყვეტილება:

1. „ლანჩხუთის მუნიციპალიტეტის 2021 წლის პრიორიტეტების დოკუმენტის დამტკიცების შესახებ“ ლანჩხუთის მუნიციპალიტეტის საკრებულოს განკარგულების პროექტის განხილვის თაობაზე.

დასკვნა:

საკრებულოს საფინანსო-საბიუჯეტო კომისიამ დაადგინა, რომ „ლანჩხუთის მუნიციპალიტეტის 2021 წლის პრიორიტეტების დოკუმენტის დამტკიცების შესახებ“ ლანჩხუთის მუნიციპალიტეტის საკრებულოს განკარგულების პროექტის საკრებულოს სხდომაზე განხილული იქნას დადებითი დასკვნით.


2. „ლანჩხუთის მუნიციპალიტეტის 2021 წლის ბიუჯეტის“ დამტკიცების შესახებ“ ლანჩხუთის მუნიციპალიტეტის საკრებულოს დადგენილების პროექტის განხილვის თაობაზე.

დასკვნა:

„ლანჩხუთის მუნიციპალიტეტის 2021 წლის ბიუჯეტის დამტკიცების შესახებ“ ლანჩხუთის მუნიციპალიტეტის საკრებულოს დადგენილების პროექტი მიღებული იქნა შენიშვნებით.

საკრებულოს საფინანსო-საბიუჯეტო








კომისიის თავმჯდომარე:



ალექსანდრე მახათაძე

ლანჩხუთის მუნიციპალიტეტის საკრებულოს საფინანსო-საბიუჯეტო კომისიის
წევრთა დასწრების სარეგისტრაციო ფურცელი

23.12.2020 წელი
12:00 საათი

	სახელი, გვარი	გამოცხადების დრო	ხელმოწერა
1	ალექსანდრე მახათაძე	11 ⁵⁰	
2	ციცინო ჩხაიძე	11 ⁵⁸	
3	გიორგი ჩახვაძე	11 ⁵⁵	
4	დავით ჩხარტიშვილი	ძე ესწრებოდა	
5	ამირან გიგინეიშვილი	11 ⁵⁵	
6	იოსებ ჩხაიძე	ძე ესწრებოდა	
7	აკაკი იმნაიშვილი	12 ³⁵	
8	ზურაბ კუკულავა	11 ⁵⁵	